

Hoihbo Cwngjyihciz Myauzcuz Miz Daegsaek Lai

极具民族特色的苗族整依直坡会

Yungzsuij Myauzcuz Swciyen Hungzsuij Yangh Liengzsangh Mbanjmyauzcai, moix bi youq ndwencieng cocib cungj gawjbanh hoihbo cwngjyihciz hozdung. Youq hozdung ngoenzde, gyoengq beixnuengx Myauzcuz doxcomz youq itheij, boq venz, diuq fouxcaijdangz, ciengq go Myauzcuz, vaiqvued dangqmaz. Doengzcae, lij youq gwnz hoihbo guh senhconz cwngcwz dangj caeuq fapldw fapgi, gaicawx doxgaiq nungzyez, gyoengq bouxcoz saimbwk youq ngoenz hoihbo ra youx guhyoux. Gwnz hoihbo nauhyied ndeyawj dangqmaz, cungj yinx haujlai bouxhek ndaw guek guekrog daeuj yawjgonz. Bi 2006, hoihbo cwngjyihciz gaenq ndaej lied haeuj guekgya gaep feihvuzciz vwnzva yizcanj mingzloeg.

(Liu Swjyenh/廖子渊)



▲ Daksau Myauzcuz diuq foux caijdangz.



▲ Gyoengq beixnuengx Myauzcuz angq dwk boq venz.



▲ Gyoengq hagseng nyinhcaen yawj biubonj doenghgo.

Liujcouh:

Gohgi Haeuj Hagdangz Hagseng Angq

柳州: 科技进校园乐苗娃

Mboengqgonq, Liujcouh Gohgi'gvanj caeuq Yungzsuij Myauzcuz Swciyen Gohhez nem Cingh Saunenz Hozdung Cunghsinh lienzhab gawjbanh "gohgi, minzcuz vwnzva haeuj hagdangz" hozdung, gyoengqde bae daengz Yungzsuij Myauzcuz Sawciyen Daih'it Siujyoz guh feihgi mbin, yauzung giceh byaujyenj, baijyienh biubonj doenghgo, roq gyonglaz daengj hozdung, hawj gyoengq hagseng youq guhcaemz ndawde hag rox gohyoz cihsiz.

(Liu Swjyenh/廖子渊)



▲ Gyoengq hagseng roq gyonglaz.

Duh'anh: Boux Lauxhangz Yauzcuz Yenzdauj Yauzcuz Vwnzva

都安: 瑶族专家座谈研讨瑶族文化

3 nyied 16 hauh, Gvangjsih Minzcuz Dayoz Minzcuz Yenzgiusoj fusoj-cangj, Gvangjsih Yauzyoz Yozvei veicangj Moz Ginhsanh daengj boux lauxhangz Yauzcuz doxcomz youq Duh'anh Yauzcuz Swciyen, caezcaemh yenzdauj Yauzcuz vwnzva, yenzgiu caemh yaengdingh aen fuzhau minzcuz byauhsiz Bunujyauz.

Dauh'anh dwg aen Yauzcuz swciyen vnz Bunujyauz ceiq lai ndeu, bineix ngamq bungz laeb yienh 60 hopbi, yaengdingh aen fuzhau minzcuz byauhsiz Bunujyauz, doiq daezsang gak minzcuz comzrengz, doengzcae gensez mbanj Yauzcuz gyaundeifouqmiz miz yiig naekhung. Ndaw doz dwg hoihyenzdauj yienhciegz.

(Vangz Bungzvanh/黄鹏欢)



Cauhbingz: Cienzciep Leiz Fungh Cingsaenz Aeu Daj Nyez Guh Hwnj

昭平: 传承雷锋精神从娃娃抓起



Daj ndwensam daengx guek haucau hagsib Leiz Fungh cingsaenz daeuj, Cauhbingz Yen gak aen cungh siujyoz hagdangz mbouj dingz guh gak cungj gak yiengh hozdung aeu "hagsib Leiz Fungh cingsaenz" guh cawjdaez haenx. Hozdung neiyungz dwg yawj densi denyingj Leiz Fungh, gangj gojgaeq, boih saw daengj, daj gij hozdung neix sonyinx hagseng hagsib Leiz Fungh cingsaenz, liujgaij saehsaed Leiz Fungh, guh boux vnz cienzciep Leiz Fungh cingsaenz ndeu.

(Liuz Feih/刘飞)